

如阜縣志

地220.133

部=b

卷十五

名宦傳

卷十六

列傳一

人物

儒林

孝友

忠烈

如臯縣志卷十五

名宦傳

名實之賓也實至而名歸焉官斯土者或以德或以功流澤所遺愛之慕之終不可諼當時固榮矣迨其後久而彌彰其所建樹者異也志名宦

唐李承實黜陟使始築捍海堰東距大海北接鹽城合通泰如臯袤亘一百四十二里遮護民田屏蔽鹽竈其功甚鉅後圯壞宋天聖間范仲淹因其基修築之近十竈中有大王廟或謂卽祀承實云

宋范仲淹字希文蘇州吳縣人舉進士第爲廣德軍司理參軍改集慶軍節度推官監泰州西溪鹽稅時海堰久圯鹹水入田害稼仲淹具書白發運使張綸請修復奏上以仲淹令興化董修築之役隄成竟通泰海三州蠲蠅數百里以衛農田三州民始獲畊獲至今呼爲范公隄云後爲參知政事江淮旱蝗帝命仲淹安撫江淮間開倉賑卹又奏蠲折役茶江東丁口鹽鍊江淮民終蒙其惠焉封汝南公謚文正

國朝詔從祀兩廡邑有專祠

張綸字公信潁州汝陰人淳化間除江淮制置發運副使先是泰州捍海堰歲久圯廢海濤入冒民田范仲淹來監西溪倉具書白綸力議修復論者難之綸表三請願身自臨役命兼權知泰州卒成堰復逋戶二千六百州



民利之爲立生祠

徐的建州建安人仁宗時爲淮南江浙荆湖制置發運副使奏疏通泰州海安如臯縣漕河詔未下的以便宜調兵夫濬治之計出滯鹽三百萬云

岳飛字鵬舉相州人建炎四年遷通泰鎮撫使兼知泰州會金兵攻楚州急詔張俊援之俊辭乃遣飛行飛抵承州三戰三捷還守通泰飛以泰無險可恃退保柴墟戰於南霸橋渡百姓於沙上嘗將兵過臯道渴得井汲盡泉輒湧出歎曰此聖井欄也至今人呼度軍井

明唐順之字應德武進人舉嘉靖八年會試第一歷官春坊抗疏請東宮受朝賀奪職家居者二十年會倭躡江如臯縣志

卷十五 名宦

二

南北以兵事起家爲職方郎尋加通政視師海上提援師與撫軍李遂副使劉景韶相犄角躬擐甲冑率諸將搗賊於馬邏順之曰來船真倭而力聚去船脅從而衆分擊去船十不如擊來船一於是益擊來船姚蕩之捷公出奇畫斬獲甚多以功擢僉都御史巡撫鳳陽是歲大禱順之周旋於師旅饑饉間旦夕不懈自斥俸入又請餘鹽截運米條畫賑事甚詳民賴以存活者數百萬是時順之疾已革猶出巡海上整戎旅考荒政汲汲不已遂卒於秦州之姜堰鎮朝野惜之

劉景韶字子成湖廣崇陽人以進士爲海防副使嘉靖己未倭薄如臯景韶親勒部曲敗賊於丁堰再敗之縣東

門賊乘夜遁而趨廟灣軍門李遂因大破之既而江南  
逸虜復犯通州景韶選輕車數百扼如臯之汊河以斷  
賊西向而自以其兵同邊將邱陞待賊於西場少頃賊  
果至景韶臨陣奮勇矢石如雨諸將皆懼景韶畧無怖  
色張兩翼以衝其堅遂大勝斬三百有奇賊奔仲家園  
追圍之三晝夜缺其一面賊終不敢潰圍出斬酋長以  
下千五百二十有七級生虜十五人又殲餘黨於劉莊  
臯邑賴以安堵保障東南奏平倭功第一陟官都御史  
所在皆有像祠祀之

李遂字邦良江西豐城人進士嘉靖間倭亂以都御史督  
淮揚軍務至則日夜治戰守備造戰艦數百艘合馬步

如臯縣志

卷十五

名宦

三

水兵訓練之百具咸飭已未倭分道入寇遂命副使劉  
景韶遊擊邱陞扼如臯而自馳至泰州當其衝是時賊  
勢張甚副將鄧城敗績指揮張谷死焉賊知如臯有備  
將犯泰州遂急檄景韶陞連戰丁堰海安通州皆捷賊  
沿海東掠遂喜曰賊無能爲矣陰令景韶陞躡賊行晝  
薄之使不得休夜稍却以杜其後會他賊攻如臯丁堰  
者敗攻馬邏者又敗諸倭敗者悉合競趨廟灣堅巢固  
守月餘不克遂令景韶塞塹夷木壓壘陳火焚其舟賊  
乘夜雨潛遁官軍據其巢追奔至蝦子港盡殲之已而  
三沙賊復入又連破之前後二十餘戰斬獲三千八百  
有奇賊悉平遷兵部侍郎

鄭曉字室甫海鹽人嘉靖二年進士授職方主事歷太常卿拜刑部侍郎俄改兵部總督漕運時值倭亂江南漕艘幾阻曉請發帑金數十萬造戰舸築城堡練兵將積芻糗詔從之中國奸民利倭賄通州人顧表者桀黠爲倭導以故營砦皆據要害盡知官兵虛實曉懸重賞捕戮之募鹽徒曉悍者爲兵增設泰州海防副使築如臯城海口皆增兵設墩遂破倭於通州連敗之如臯海門襲其軍呂四圍之狼山前後斬首九百餘賊潰去遷南京吏部尚書帝以曉知兵改右都御史協理戎政尋拜刑部尚書隆慶初賜太子少保謚端簡

邱陞字嵩山河南封邱人由武舉官守備擢山西平陽遊如臯縣志

卷十五

名宦

四

擊將軍嘉靖丁巳倭寇江南陞提邊兵鎮守是時倭圍通州副總兵鄧城不能禦陞援之至白蒲鎮遇賊陞揮兵過其壘斬百二十餘級賊又襲如臯競趨丁堰陞追勦斬百三十級生擒二人賊薄如臯城陞陳兵東門外斬數十級賊却退據龔家莊鄧城復引兵與戰賊乘勢長驅臯民被害甚酷陞奮勇晝夜搏戰於仲家莊櫻桃園勝之賊沿海東掠陞合副使劉景韶尾賊晝蹙之夜則杜其後破賊於廟灣復殲之鰕子港前後斬數千級築爲京觀樹以碣至今呼爲平倭塚論功擢揚州參將復追賊至海安戰於曹家莊敗績越七日陞奮怒擐甲身先士卒力斬九十餘級倭勢促奔泰興所存才三十

餘人陞誓翦盡乃食窮追三晝夜單騎至新沙日已昃馬蹶陞仆爲賊所害士民流涕痛惜都御史鄭曉疏於朝建祠祀焉

宋胡令儀陳留人淳化至道中以大理評事知如臯時江淮內附未久吏奸民囂凌弱暴寡令儀以德綏化教而弗率糾之以刑不少宥人皆凜然憚之先是江淮發運使張綸用范仲淹議築捍海堰甫役值大雨雪役夫有死者衆遂譴言堰不可成朝議遣中使按之將罷其役綸以令儀嘗知海陵如臯熟悉潮患請移爲轉運使按究可否令儀馳至卽抗疏力主范議請必成之堰遂成一二邑逋民悉復其業邑人於張范祠增祀公爲三賢復

如臯縣志

卷十五 名宦

五

祀於名宦祠

錢冶字良範景德二年甲科歷祕書丞知如臯長於決獄六宰大縣皆有能聲如臯民不農桑以鹽爲業冶曰使民足以衣食鹽猶農也乃悉求鹽利害爲條目民便之冶在臯時年五十或嘆其仕不達冶曰使吾政行於民卽達也再遷屯田員外郎通判宣州未行而卒

錢勰字穆父臨安人少有才名以進士令如臯會歲旱蝗泰興令獨給郡將云縣界無蝗未幾蝗大起郡將詰之令詞窮乃言縣本無蝗蓋自如臯飛來請檄如臯令嚴捕蝗勿使侵鄰境勰得檄書其紙尾曰蝗蟲本是天災卽非縣令不才旣自蔽邑飛去卻請貴縣押來傳至都

下無不絕倒後歷官翰林學士終戶部尚書其孫浚載  
孝友傳後遂爲臯人矣

曾易占字不疑南豐人天聖二年進士大中祥符間以太  
常博士知如臯值歲大饑請於州得越海轉粟所活凡  
數萬人明年稍稔州課民賦如常易占力請緩征時他  
縣民多亡臯獨安集又創建學宮海隅咸知絃誦厥功  
茂焉後以子布貴追封魯國公祀名宦祠

許元字子春宣州宣城人以父廕補郊社齋郎調縣尉稍  
遷泰州推官知丹陽縣會歲大旱元請借練湖水溉民  
田不待報決之溉田萬餘頃歲以大豐遷太子中舍知  
如臯士民愛之元爲吏喜修廢壞長於治財時京師粟

如臯縣志

卷十五

名宦

六

少而江淮歲漕不給參知政事范仲淹舉元爲江淮置  
制發運判官元至悉發瀕江州縣藏粟所在留三月食  
遠近以次相補引千餘艘轉粟而西不數月京師足食  
已乃嘆曰此權宜救一時乏耳歲漕不給弊在有司乃  
明約信令發斂轉輸皆有程度度其遠近稽其遲速以  
定賞罰數千里外譚笑治之不擾不勞特賜進士出身  
官至刑部郎中天章閣待制以疾乞守郡乃守揚州越  
州又徙泰州卒歐陽修誌其墓

趙抃字閱道仁宗時令如臯崇學校董師儒不立異政以  
拂民情因俗施教惟以惠利爲本黃震言其爲政愷悌  
不嚴而肅雖古循良無以過也至和中參知政事以論

新法去官卒謚清獻

洪咨夔字舜俞於潛人嘉定二年進士授如臯主簿後應博學宏詞科崔與之帥淮東辟置幕府邱壽鶴代與之爲帥金人犯六合揚州閉門自守洪亟詣雋曰金忌楚必不至揚敵未至而閉門是示弱也江左人心震動金人覘我虛實速其來矣請遠斥堠精間諜簡士馬張外郡聲援而大開城門晏然如平時金人果來我當身任之雋愧謝已而金人果去如其言積官端明殿學士

鍾穎字元達丹陽人以進士爲泰州馬塘場催煎官歲饑民煽爲盜部使者訪消彌之策穎條十事其尤切於職守者乞減竈以紓亭民濬河以便商販使者用其策由

如臯縣志

卷十五

名宦

七

是人情帖服鹽利大興秩滿調真州六合令

元陳肇衡福建莆田人爲如臯尉有惠政報滿以浙閩兵亂未歸遂卜宅於如臯之下駕園家焉無子一妻二妾皆不育復置一妾甫入門涕泣不止問其故曰吾亦故家女也父有罪無力入贖緩賣身得金以救父耳肇衡爲之惻然卽日送還其家不取聘資越數日天大雷雨前妾感雷而娠生男因名應雷中延祐三年解元

明史搢順天三河人持身廉潔處事周詳九年任滿老人冒嵩等赴闕借留復任遂卒於臯子孫因家焉

曹立山東臨清人初任臯時官署頽圯立次第修築尤加意學宮一新規制士論歸焉



向翀四川通江人以進士令如臯持身清介莅政逾年百廢具舉重新學舍更造祭器士民咸稱述之

胡昂定興人成化十七年以進士爲臯令簡樸嚴明不施鉤距衆自凜然隣邑有訟未決者民皆質成於臯屬歲大饑白當道截留蘇松上貢米賑貸貧民全活甚衆祀名宦

劉文寵玉田人宏治初以進士令臯有才幹民不能欺縣編種馬額一百三十七永樂間六安州以被災寄牧官馬千三百餘沿爲民患時值部使清理馬政寵力懇建議除寄牧之令民獲甦息至今德之

田惟祐浙江蕭山人舉人莅政通敏吏畏而民懷之時山如臯縣志

卷十五 名宦 八

東流賊肆掠江淮攻通州甚急官軍過縣撫御有方民不驚擾遷知泗州

王世臣昌邑人正德戊寅以進士知臯時屬大水民艱食臣躬詣村落詢求疾苦白當道賑卹之性廉潔日用不時給每貸之同僚需月俸以償未及報政治行大著以勞卒於官垂橐蕭然見者隕涕

徐相都昌人正德季年以舉人爲臯令清儉剛決門絕苞苴無一人敢窺吏舍聽訟不遺胥勾攝雨造旣具反復曉告民皆媿服自奉菲約不飾厨傳歲省坊里冗費無算時值饑疫率醫士齋善藥日巡委巷中親視病者注藥授之備極勞瘁所全活萬餘人雨雪愆期必青衣步

禱禱亦輒應會當入覲公私不知行期一日匹馬戒塗攜一門一皂去襪被蕭然父老感嘆後遷知連州民久而愈戴其惠祀之名宦

梁喬升廣東順德人進士治尚平恕政教兼修清復王龍圖墓創祠祀之重表王狀元坊建丁孝子祠前志所載善蹟甚多

如梁公十井之類

遷工部主事

劉永準北直隸任邱人以鴻臚寺序班令臯峭峻矜嚴豪橫歛跡對簿不實者莫敢畢詞臯初無城永準創建六門民稍免於倭難遷知壽州

黎堯勳四川樂至人嘉靖間登進士被命莅臯始下車見人文堙鬱嘆曰茲胡安定王龍圖鄉也何以至是擇地如臯縣志

卷十五

名宦

九

得嶽廟址移學宮就之以興賢育才爲務嘗讀文丞相如臯道上詩謂此名賢寄跡地不可無祠荆祠祀之每月朔必謁安定祠集諸生考業於中別構崇一堂示以二業合一之旨士類蒸起念田賦不均逃亡日多豪家悍竈兼并大爲民患特具疏請於朝旣得請紀以詩曰誰捧天書下紫宸海臯草木盡精神而今鼓舞輸租者不是當年逋賦人又曰烹鮮海上又經春河內深慚借寇恂豈有涓埃能報主空餘琴鶴自隨身虛糧積歲追逃屋履畝從今稅富人稍喜流移歸滿路聽歌鴻雁動比隣愛民之心溢於言辭矣諸所鈞剔咸中情隱黜桀者重足立民至今蒙業焉祀名宦祠

劉一中江西泰和人操履清潔人不敢干以私時集士民講餘姚良知之學遷南刑部主事

童蒙吉浙江臨安人舉人莅事通敏濟以寬和創望江樓二烈祠又申革帶辦泰興周家橋兵夫銀五百有奇舊邑志散逸蒙古修復之所爲皆一時善政云

仇炅長冶人嘉靖癸亥以進士知如臯視身廉正公庭肅如胥隸重足立無敢需民一錢炅自許不爲俗吏作勸民歌俾民知教有盧媪以節烈著衰老貧病遠在西垵炅造其廬分俸食之繫以詩曰人心斯理本不忘鄙薄聞風或興起邑諸生張可學病不起其婦葛先一夕自經死炅聞嘉其烈親爲文以祭割俸葬其兩棺後以夜

如臯縣志

卷十五

名宦

十

禁過嚴失邑貴人意蜚語左其官炅灑然攜襜被去至境上檢得象箸一雙誤入行李亟封還其廉介如此祀名宦

嵇鏞字子佩德清人嘉靖末年由舉人授臯令初至卽罷私奉金二千有奇釋盜誣坐死罪者十八人邑濱海百戶余顯橫鷺海上鏞鉤致顯客得其狀治之皆伏法戍海每歲易汛爲民患苦鏞先期爲畫界與戍將約毋犯吾民一日戍卒殺漁者鏞執之詰戍將戍將立殛卒謝鏞歲饑賦多逋鏞以羨金代民輸中丞臺檄臯移羨金治泰興學宮鏞謂臯學亦北辭不移臺再檄佐饜鏞又抗言臯下邑不宜獨承饜且民饑流亡柰何中丞銜之

卒中以考功法去之日士民遮道泣如失父母鑷後補  
慶符舟出京口幾覆有旁艘來拯詢知故臯令也率其  
徒拜橋下曰德公無以報今日乃天假之也

唐邦佐字中廓浙江蘭谿人隆慶元年進士知如臯縣明  
敏剛決摘發如神宿猾巨奸一時幾盡政暇雅喜課士  
士多獲售者以才能調儀真時歲賦民間架錢十萬七  
千及造舟築隄費民甚苦之佐以官稅之羨代之舟隄  
均之各邑民困以蘇嘗避雨僧寺雷電繞之遂留宿夜  
夢披髮血淋漓者走至樹下沒曉伐樹得男子屍則夫  
與婦行過寺寺僧殺夫瘞之婦尚在於是誅僧赭其居  
其發摘類如此治行爲江北第一璽書賜金褒勞以不

如臯縣志

卷十五

名宦

十一

能阿權貴僅擢刑部後謀劾江陵奪情中以計典去

鄭人達福建閩縣人以進士爲儀真令萬歷初與前令唐  
邦佐互調時以鑿江地衝唐有搏擊聲遂移代達達至  
臯約已率民蠲培寬逋與民休息邑支給歲有額編達  
曲爲節省不給捐俸代之院署供帳器具率里役更相  
稅貨頗擾民達發帑自創簿正之歲額一切罷去乙亥  
大饑枵腹待哺者環野達便宜發賑全活甚衆當路屬  
達察訪奸民檄甫至而告密者踵入達曰是奸藪也立  
迹其人以狀報竟置於讞人人服達神明遷南戶部主  
事去

劉貞一河南通許人以舉人令臯莅事嚴明語簡而當判

牘如山民無敢獻僞者雖盛怒遇士必解顏接之嘗延沈生希周課其子希周父殉躬往弔焉時有侵二烈祠地者移土僧寺貞一蹙然曰非禮也亟令反之祠修復社學社倉戒僚吏無爲暴於民而馭胥隸嚴獲罪不少宥隸皆惴惴無敢覬民一錢也善草隸書尤工題署上官或以檄徵書輒謝不應卒於官輿櫬歸橐裝如洗陳渙浙江臨海人舉人操行剛方善摘奸發伏擒治宿盜數輩民獲寧宇而豪宗憚甚多方去之會有大盜獄力爭忤上官意遂齧去

陳文進字國傳福建泉州府惠安縣人以選貢官如臯令辯冤獄平江盜恤鹽竈濬鹽河所行多惠政陞永州通如臯縣志

卷十五 名宦

三

判兼攝道州

宋文昌字德夫河南商城人萬歷己酉以進士令如臯加意民瘼不孤行一意持己謙和人或干以私又凜然不可犯市故有羨稅悉除之民當輸租聽其自入櫃里胥無能舞弊者尤慎刑獄時時虞有冤滯有盧學詩者久陷重辟燭其枉破械出之當路信其明察卒從昌讞牙橋之役昌謂一鹽場乃令涸三州縣水執議閉勿啟民方倚之會父卒昌扶櫬歸昌去而牙橋啟矣臯人爭肖其像築專祠祀焉

周承恩湖廣武岡州人舉人政尚寬簡務在安全不忍疲民以市上譽遷遵義同知

李廷材字柱可廣東高要人萬歷甲寅以進士爲臯令才敏斷外若嚴急而中實坦易能爲民任事常行田歎曰臯襟江濱海疑是澤國乃形勢高亢土脈中燥所挹注者惟運河一衣帶水民終歲力穡樂利且不及隣封十  
二牙橋又洩之其毒中於三州而臯特甚遂建議塞牙橋又奸商給請巡鹽御史勒民計口售鹽雜以泥沙昂索其值材執不可御史檄九下九覆不行民未之知也復議建石礎通江河瀦水溉田造塔治東南境上以聳龍脈志未竟調去留贖鍰百二十金屬邑人新泰令李止林成其事尋改洧州令卒於京口妻子僑寓潤州貧不能歸上林爲白後令熊以所留贖鍰返之始扶櫬還如臯縣志

卷十五 名宦

十三

民爲立去思碑

熊奮渭字佐文河南商城人萬歷丁巳以進士尹臯邑廉明敏幹慎重持大體愛民敬事於利病興革洞悉窾要舉行甚力不矯激近名雅負人倫鑒戊午分校南闈門下士皆一時人望臯是科登賢書者一卽渭素所首拔士冒生起宗也未兩載調泰興士民爭留之不得立祠祀焉後晉位浙撫壽躋百有二十歲嘉善徐季方見聞錄謂其百有四歲時尚投刺謁客云

李衷純字元白浙江秀水人萬歷壬子以選貢領順天鄉薦己未冬授如臯令明敏廉毅治邑如家洞矚情僞鋤魁恤隱興利除弊百廢具舉以崇化興賢爲首務請增

生員科試童生八學額數釐正祀典創建二忠報功兩  
祠以表忠賢載米之官賑活五萬餘人頒藝植之條布  
機杼之制以課農桑編戶口均徭役減遼餉漕務除陋  
規鹽政革商弊值江上盜起請設安民營造戰艦募兵  
百人以一鎮撫統兵巡勦海氛以靖民困以甦南造石  
礎資漚江潮北堙牙橋永疏水利牙橋奸民怨奪其利  
狂嫚爲梗偵得主名坐以法治臯凡五載園土無周內  
之民村落絕追呼之隸許謨碩畫信足爲後事師矣後  
爲揚州運使尋入爲戶部郎中純去後邑人立生祠二  
一在城北一在通江之石礎而又與諸臺合祀牙橋

王珍錫陝西咸寧舉人天啟五年知如臯縣布政慈和雅

如臯縣志

卷十五

名宦

古

俗鎮定尤長於治才先是臯聚奸民號天罡虎棍爲閭  
閻害前令李公衷純獲渠魁置之法及公任餘黨復熾  
公廉得其藪捕治之黨遂散時蝗不入境麥穗兩歧晴  
雨應禱邑人作三異詩頌之

吳宏功字毅銘湖廣江陵人天啟乙丑進士崇禎庚午補  
如臯縣有官馬百二十四匹供臺司按部役芻牧半累民  
間功捐俸以助民賴以安時北方告警調狼營兵入接  
過縣境功出犒師士馬皆歡騰去無驛騷居恒親賢愛  
士多所薦拔日判數十牘案無留獄有三人隸城旦書  
貧不能贖功代償而釋之賢聲大著考滿調江都令瀕  
行雨潦城垣四圯盜所掠衣物貯庫者功悉以資畚鍤

又發金來屬簿尉修立發河橋曰此吾未竟之事也臯人德之立生祠祀焉

高名衡字平仲山東沂州人崇禎四年進士初授如臯知縣以廉能稱時臯邑市量大小殊製名衡曰量一則價不二下令畫一之且鈐記其上濬河修城多惠政考最入京歷官監察御史巡撫南河後與妻同死流賊之難楊觀吉字吉長福建詔安人令如臯值廣陵大旱步禱焚祝數日大雨如注溝澮皆盈惟時東自通州北自泰州三百里無涓滴獨臯民沐此澤洵誠感也

成德字元升霍州人占籍懷柔崇禎四年進士除滋陽知縣性剛介疾惡若讎以侮溫體仁戍邊居戍所七年用如臯縣志 卷十五 名宦 十五  
御史詹兆恒薦起知如臯尋推武庫主事甲申都城破闔門死難贈光祿卿謚忠毅

### 國朝賜諡介愍

李丹衷浙江嘉興縣人進士崇禎末年令臯申酉之際亂賊陳君悅號召天罡黨立營挾制有司威令不行遂挂冠去

閻士奇河南永城人嘉靖三十一年任如臯主簿時值倭變縣故無城士奇親冒矢石樹柵欄積石礮灰甌與守備楊縉竭力堅守及巡撫鄭曉請帑修城士奇晝夜督工慰勞備至工皆踴躍六閱月而告成倭復大至見城中有備不敢攻而遁由是劉副使邨參將得追而殲之



後知縣童蒙古建劉公祠士奇謝祀焉

康文美福建南平人吏員從謝侍郎杰使琉球還授如臯簿操行修潔監收歲漕取平概自奉儉約退食止鮭菜而已邑令王以蒙與同里文美非公事弗謁也後遷屯畱丞

吳廷用金谿人萬歷壬午爲豐利場鹽課大使善撫丁竈不苛求有流移者招致復業勸課竈家子弟皆令就學多所造就以疾卒官人咸悼惜焉

巢有功山陰人任掘港鹽課大使條議鹽政多中窾要場人爲之立碑

周鼎浙江餘姚人舉人天順八年任如臯教諭初臯邑無如臯縣志

卷十五 名宦

十六

志書鼎創成之儒學無田首置田八十畝以恤貧士自後長吏始有繼者其誼不可忘也

詹仕顯福建邵武人嘉靖初司訓臯庠能詩工繪事築一亭曰醉邵以堯夫自況也時延諸生觴詠其間嘗秋夜過許生訪見盆菊影落屏紙扶疎動搖乃濡墨就影寫之生態具足傳有秋堂影墨詩後遷教諭德化諸生繪十二圖互詠其事其風雅猶可想見焉

李士元洛陽舉人嘉靖庚子攝臯學篆性嚴介人不敢干以私士有貧者分俸卹之父嗜飲迎養日具酒脯盡歡其自奉脫粟時不繼也泰興姚令去奉檄往攝令事民有十姚不如一李之謠稍遷南國子監助教士咸頌其

清節

葉時宣福建壽寧人嘉靖三十六年任如臯訓導舊志不爲立傳邑乘備采援據閩書謂其歛儲金粟却賊全臯蓋有功於茲土者後陞泰州學正慶府教授

李公孝盱眙人萬歷庚辰司教於臯崇化勵賢高雅廉靖時時振士之乏當道察知其賢委視邑篆固辭不就未幾自免歸人稱恬澹君子

熊之徵昆明縣舉人萬歷十四年任臯教諭重行誼振倫紀科條詳密矩矱秩如月試日會品藻精嚴應聘分校棘闈有得士之稱焉

張思敬華亭人萬歷甲午司諭臯學懷德握醇寬然長者如臯縣志

卷十五 名宦

七

善書性尤嗜學晚而不倦莅諸生惟以躬行爲化憐才振急不問脩脯居五載遷銅鼓教授去士長懷之

黃夢麒字野玉江寧人萬歷辛丑來攝臯鐸性好客後堂常有絲竹聲倡議改作泮池架雙梁其上遂成偉觀時有皇莊之議沙民洶洶夢麒爲致書同年呂水部改稅稍輕焉尋遷分宜令去

呂克孝字公原萬歷二十五年應天鄉試第一授如臯教諭訓士先德行而後文藝嘗曰安定先生遺教猶存諸生學此足矣有門下士年少恃才克孝引禮義相誠勉曾有春雨種芝蘭秋風化荆棘之句士悔過終歸醇謹縣舊志散佚闕略縣令重其才請修之始有全書後遷

國子監助教累官工部郎中

楊縉武平衛人進士嘉靖三十三年倭入寇由守備調署如臯城守營遊擊與主簿閻士奇協力守禦射殺寇渠魁倭始退三十八年倭犯掘港巡撫李遂奏改掘港把總爲守備縉赴調甫至戰於長沙一鼓殲之因修築東西二堡居人德之爲建生祠後陞嘉湖叅將

檀武臣建德人萬歷初來任掘港營守備爲人介而寬善撫士卒時有倭船犯境臣生擒一人餘艘出之大洋欲令自斃隣境攘其功自效首虜臣不自白曰吾營無戰艦若不以計出之脫一登岍爲禍甚烈今幸無恙功奚必自己出哉人皆服其雅量後遷齊閩貧至不能辦裝如臯縣志

卷十五 名宦

六

時謂素士弗逮也營中共爲置祠

王廷臣大河衛鎮撫進士萬歷八年任掘港營守備甫至卽築北境土山長百餘丈又以河流直射別澹一支自堡東轉北逶迤廻抱頗資防守場南古堤壞潮溢爲患力請部使增築月堤民獲安枕衆皆歸德焉

馬紹援金山衛指揮進士萬歷三十年官掘港營守備先是演武場設於堡內地狹不堪馳射援移置營前四望海洋形勢空濶於耀武爲宜時有豪家欲牟此地者百計旁撓不爲阻卒中讒以去論者惜之

趙廷皇陵衛千戶進士萬歷三十三年授掘港營守備嘗捐貲築西關長壩橫亘六七里居人免沮洳之困又塞

北流之冲城者改引從西衆咸稱便

管大藩徐州人萬歷中莅掘港營守備爽朗有籌略曉暢  
兵事校練軍卒壁壘改觀馭下不爲腹削甘苦共之士  
氣大振藩常築隄海上所費金錢以千計海上得免漂  
滌之患德藩尤深藩去爭欲祠之張范間藩聞亟止之  
至今東方銳卒必推掘港實藩所啟也

趙千駟南京留守後衛百戶進士萬歷四十四年任掘港  
營守備著有防海六議

**國朝**王士徵字貽上山東新城人進士順治十七年授揚州  
推官公正嚴肅文藻瞻麗嘗按行臯邑修襖水繪園賦  
詩談讌於政事無留滯臯人深被其澤洵歷刑部尚書

如臯縣志

卷十五 名宦

九

林起龍大興人進士康熙元年巡撫江蘇先是順治十八  
年蜀滇用兵加徵練餉如臯縣由單民竈田三萬八十  
三頃四十九畝有奇未折大畝照每畝一分應加三萬  
八十三兩實田止二千三百四十八頃三十三畝零知  
縣李振奇已徵解八千餘兩具詳督撫爲民請命憲催  
逾急弗爲奏請民死徙者相續振奇再四請會起龍繼  
任具疏特題得免百姓歡呼如解倒懸

于成龍字北溟河陽人康熙二十一年總督兩江貪墨吏  
望風解綬豪猾皆潛徙境外凡有關國計民瘼者次第  
舉行臯令盧縉詳請革除積弊各款備極獎譽一一如  
詳勒石永禁

莊有恭字滋圃廣東番禺人狀元巡撫江蘇乾隆十九年題奏豁如臯縣坍場蘆田四萬九千五百一十畝三分六釐零蠲免課銀二千三百四十四兩二錢六分零二十一年勒碑永禁海安鎮徐家壩又勒碑定例脚夫匠役工價及永禁私分地界霸佔壟斷皆千百世利澤與江海俱長者也

朱邦政淮西人順治初由百長署如臯令以下臯城功也先是明燕京失守福王立江左高傑縱兵暴掠聲言東下臯民陳君悅劉廣生等集眾結立中營爲守城計五月知縣李丹衷逸去陝西馬御輦銜我

朝命令臯邑悅等乘夜襲殺之并殺典史王家瓚搜城自守七

如臯縣志

卷十五

名宦

三

月邦政以巡撫趙福星檄偕將張士忠孟三澗等率師取臯約先入臯城者卽爲令邦政先登遂主縣事君悅等棄城走時沿海賊起守陴士才百餘九月賊夜圍臯城邦政率眾固守越三日方蓐食忽聞城西鬻築聲亟命上城吹築應之悉甲以待少頃數百騎自城南來邦政急開城東門率數十騎繞賊營而北橫斷其陣賊亂乘之盡潰俘斬數萬人餘眾悉奔臯賴以定

陳秉彝字天倫奉天海州衛人由廕生令如臯樸直廉毅始至臯若不嫻吏治者居無何懲奸誅暴軫恤民隱日有惠政鰥寡孤獨尤多矜恤公餘必讀書數章讀論語敬事而信節用而愛人慨然嘆曰牧民者當如是矣讀

書有所得輒思力行邑人冒襄賑饑染疫瘞爲禱於城隍神而襄遂愈會考最以給事黃門召去後爲邑人許直疏請卹典載在史書

李樸字子固湖廣景陵人以明經授臯令初臯多奸民上下諸司椽曹皆左右之間持縣官急凌市廛指揮操縱遇事風生邑人莫敢誰何樸下車廉得渠魁十三人晨起易吉服坐堂皇數其罪狀悉杖斃之奸兇斂跡臯人至今頌焉

李振奇字平子河南商水人順治間令如臯治尚清靜聽訟片言立折愛民禮士士爲所拔擢者遇之如家人踰年江南抗糧事起奇下令剋期數日逋負者急自白有

如臯縣志

卷十五 名宦

三

諸生貧甚無以償積逋奇代償之己亥六月海上氛起舳艫蔽江軍汛不通沿江城守多解散奇集紳士謀曰臯城小而僻賊必不肯棄舟深入但諸場爲鹽徒出沒地不可不備因密遣人語其地之大姓結武勇嚴偵探以待之遂擒賊首衆悉驚散臯不懼兵刃者奇力也又二年會加徵練餉奇坐明倫堂集衆議父老聞故事無以大畝小畝之說告者徵輸倍他縣後覺亟請於上官得減其半臯人思其德爲之立碑焉

李文秀字奎瞻直隸易州人丁未令如臯勵廉隅除積弊日與民間問疾苦環臯城種柳數千株綠陰冉冉邑人劉增琳詩沿城陶令柳春到拆柔荑醉眼寒猶澁纖眉

暖漸齊橫垂疑路窈蒙密覺天低色嫩黃金鎖浪翻碧玉迷迎風疏弱線彈汗濺香泥不亞甘棠樹行將拂彩霓公餘課士以先正爲法己酉壬子乙卯登賢書者悉秀所識拔士一時稱爲水鏡云

高瑚奉天遼陽人廕生康熙十二年知臯縣用舉人宗範議裁革里長廂長立櫃交兌四大弊

趙宏化字亮弼山西壽陽人戊戌進士由密雲令補如臯值南徼軍興征繕嚴急檄書旁午宏化經營措辦又軍後凶年民不堪命化復多方賑救不遺餘力一邑咸頌其仁三年以外艱解任因公留臯一年遂卒於臯士民傷之

如臯縣志

卷十五

名宦

三

周鼎鑑字振菴鑲紅旗人爲政務得大體臯隸戾而民窳役每恃官符窘辱士民索其賕無敢弗應者鼎鑑廉其弊隸受賕必扶遇事必袒士而抑役以故士氣益伸念士民婁者入賦多不能如縣官約悉召致詢其期有待束脩待禾稼者各立券以俟先縮俸以貸之人亦感其義弗忍欺會錫

御書勒珉

而亭之亭後壘土爲山以振地脉先是臯士六科無一

售者是科江源遂登賢書辛卯饑且疫斥資賑粥施藥爲一邑倡民賴以全活後遂率爲常海陵有唐灣爲盜藪鼎鑑攝海陵築蓋屋百楹招民五十戶居之成市焉迄今名曰周公鋪羈旅單舸風雨夜泊毋戒心也生平

慷慨好施與知人善鑒士其所獎拔盡掇巍科成名宦  
人文之興於斯爲盛他如崇科擾勸樹藝殲巨盜攝市  
狙可以安百姓者力爲之而大指務於寬厚莅官二十  
二年中吏議落職沒於臯子六人皆列顯貴至今父老  
咸謂鼎鑑不縱胥役養士愛民因獲其報云  
曹樞字建中浙江桐鄉人進士以文章知名海內雍正初  
莅臯興崇正書院治民悃悃無華

馮國祺浙江會稽人例監保舉令如臯雍正十一年率邑  
人捐穀賑饑十二年詳請隨漕捐賑

丁元正字一峰湖南衡陽人以拔貢選授臯令善古文工  
書法如許忠愍傳陳忠肅公墓考皆其手筆也建普濟

如臯縣志

卷十五

各宦

三

堂興革諸大政子丁牲中壬午科本省解元

鄒廷模浙江仁和人監生考職縣丞陞臯令乾隆三年如  
臯旱詳請撥運庫銀賑濟貧民五年蘆田蟲災詳請照  
各圩受災輕重蠲免蘆課

李光泗字泗水號杏村湖北荆門人乾隆丙辰進士性廉  
介丰采靄然而不可干以私鞫獄詳慎民無冤抑重學  
校禮遇諸生馭吏和而正吏亦無敢骫法爲政平易近  
人民陰受其福二載丁內艱去去之口攜圖書數卷而  
已士民至今思之

趙廷健字永齋陝西富平人進士因前令曹樞所建書院  
取師於本邑地又狹隘議另建講堂延聘他邑通籍而



優行者掌其教擇前賢張玉成露香草堂改作之移崇正書院育才圩復興沙田益以紳士捐田爲脩脯膏火資上其事於各憲允所請初名雉水書院今改雉水爲發揚

鄭見龍字宇文浙江淳安人由舉人補鑲白旗教習乾隆丁卯任如臯臯負海枕江地多斥鹵保聚爲難公寬仁明恕治邑如家延耆老咨詢利病舉行甚力牖李家堡老鸛嘴以資民灌溉利竈樵煎城中市河壅淤日久設法疏濬之歲庚午奉憲纂修邑志正譌補缺舉要芟繁兼衆長而斷以己意至葺治義學勸輸育嬰堂請修城郭請豁沙田冊賠皆孜孜爲民在官五載廢修政舉卒如臯縣志

卷十五 名宦

二

未正月卒於任子梁柱等扶其櫬歸葬淳安李棠直隸河間人進士乾隆十六十七年兩署臯縣多善政有令名奉祀宋陳忠肅公龔入岳忠武文忠烈祠改二忠祠曰三忠祠

陳琨浙江海寧人進士知臯縣事明敏有神君之號每判獄據案疾書排偶散行無不播傳人口斷曲直兩造咸服乾隆十七年吳顯隆盜開牙橋琨請莊大中丞履勘立碑永行壩堵邑民利之

何廷模字西舫浙江仁和舉人簡發授臯令疆幹饒才畧遇事尤詳審豪暴屏跡胥役肅然調沛縣遷高郵州奉檄修如臯城紳士耆老皆歡欣迎馬首役夫踴躍辦工

工既竣模由海州俸滿藉保固例卜宅臯邑士民朝夕見如家人父子延掌臯邑書院終於臯子承燕承薰俱仕宦有聲

崔正音直隸寧河縣人進士乾隆三十二年選授臯令承辦城垣與前縣高郵牧何廷模分段並作材良工省嗣奉檄委員查丈臯邑田畝正音揭稟縣計額田三萬八十三頃四十九畝一分六釐僅缺田一畝二分五釐一毫缺課九釐有零歷係經征之員補足絲毫無欠前憲批准在案今以畝餘缺額之地履丈三萬八十餘頃之田以不足一分之課滋擾六萬三千有奇之戶累月經年未得寧息仰邀憲恩准免委丈則下邑數萬戶之擾如臯縣志

卷十五 名宦

三五

累可息課銀永無虧缺矣事遂止

譚大經字敷五廣東新會縣人進士乾隆五十一年授知如臯縣事縣白崔令去後十餘載吏治闕冗胥隸骫法大經甫下車整飭吏治民氣頓甦爲治期年比戶書官清民安設香燭於門有顧姓被殺鬻切煮之拋骨肉城根外莫得主名大經齋宿城隍神廟夢牌書叔夜二字寤曰得非周五乎拘而訊之蓋與顧妻奸謀殺其夫招伏成讞正直通乎神明乃信然也調任武進空城出送登舟

曹龍樹字星湖江西星子縣舉人大挑分發題任臯縣能詩著有白鳥瑞麥勸農諸什載星湖集設局修臯志未

果澹治河未竣在任八年以疾去刊所知贈餞詩曰攀轅集

董雲浙江會稽人善書畫康熙中初設丞不預民事惟理河渠水利與縣官周鼎鑑相得無闕時畫米山寫華亭書至今尚有弄藏者

龔培學浙江仁和人例監任臯丞守貧力政士民稱之祝椿字雲橋武進人三中副榜舉人就職臯丞著述甚富以風雅稱於時運餉金川著有蜀道集

易祖愉字天有湖南湘鄉人保舉補授西場司巡檢士民多愛之愉工詩善書畫舊爲梁園賓客乾隆九年多羅慎郡王贈以詩序曰天有易君下榻西園最久才華敏

如臯縣志

卷十五 名宦

三

瞻而賦性端直余深重之丙辰謁選得松門尉曾作詩贈別近以奏最入都補授如臯於其行也不勝纒纒屬望之意復贈之以此詩曰牽絲舊傍天台郡捧檄今趨射雉城向日驂騮初展步摩雲鸞鶴有先聲夢迴楚岫千層碧心注淮流一派清試數昔賢多作尉不因官小晦詩名

黃肇楷浙江山陰人由未滿吏捐從九品乾隆十五年任石莊司巡檢兩署西場司有能聲著詩甚富送李長官棠詩有爭羨龔黃書上考慙非屈宋作衙官之句蓋胥吏中之不易見者

羅玉果江西廬陵貢生雍正十三年以州同借補豐利場

大使黃沙洋堤久廢每秋汛泛濫洪波逕入內地前場  
官修築土走沙流迄無成績玉果泣任捐募興築屢築  
屢墮乃朝服北面拜誓以死觀者感泣堤竟成至今猶  
固

湯惟鏡常熟人乾隆二十五年任掘港場大使凡商竈之  
務靡不舉場去江津寫遠惟恃運鹽河一衣帶水以資  
農畝常苦旱潦鏡建策於場北之陸家河豐利之黃沙  
洋二處就堤築閘以均蓄洩農民賴之

汪文輝字意園上元人貢生乾隆二十七年任豐利場大  
使繼政餘閒遊心浚泊築秋水亭以自適後遷南梁金  
鹵志餘有詩云簿書未許乞閒身此去南梁莫厭貧留  
如臯縣志 卷十五 名宦 三

得空庭秋水在兼蒼露白望伊人  
鄒武鉞無錫人貢生任豐利場大使乾隆五十一年游饑  
設廠施賑親自檢閱義學久圯田入於官鉞復營構振  
作盛於舊時

周士章字吳昉上元人崇禎己卯舉人工詩善書畫署如  
臯學教諭日與諸生課藝講學不間寒暑後遷山西石  
樓令

張大心字無放金壇人以明經司訓臯庠磊落高邁崇氣  
節重行誼士愛敬之

胡岳齡字又甲號石門寧國府涇縣人以選拔司教如臯  
善造士多所成就與諸生考道論文自手一編經夜不

倦性廉惠貧士不能執贄者恒周之嘗率士紳葺學宮  
建魁星樓修泮池捐俸不足繼以解橐一時上游無不  
以幹畧稱胡廣文者地方利弊必資商確而信用焉在  
官十有四年陞山東金鄉令弟子立去思碑以志教澤  
云

顧溥號瞻廬蘇州府長洲縣人以副貢授如臯教諭溥承  
家學淹博無所不通與諸生課藝力振先輩宗風尤工  
於詩好賓客觴詠歲入脩脯不足以給於用丰致清雅  
人擬之顧著作云

張鵬字南翼號嘯竹吳郡長洲人博學嗜古工詩司訓如  
臯歷十六年扶獎道義敦尚風雅不儲儋石而詠歌灑  
然有古儒者吏隱風焉後秩滿去官臯人士感沐教澤  
因立遺愛祠祀之著有樂志園集嘯竹詩文若干卷

如臯縣志

卷十五 名宦

三

曹一士字謬庭松江青浦籍上海人雍正丙午舉人授如  
臯教諭按月校士一本先正鉢傳嘗云文章自古有定  
論區分雅俗殊井疆俗如箏笛互嘈雜雅爲琴瑟諧宮  
商士咸得所稟承甫一載計偕去遂捷南宮入史館授  
編修旋擢監察御史前後疏論皆益國體轉工科給事  
中歿於官臯士追慕祀遺愛祠

王之進字方魯無爲州人恩貢教諭如臯四年愛士甄材  
勤於課藝嘗以學田餘畝供邑書院膏火資不務肥私  
解任後囊橐蕭然著有易指提綱李杜詩評四耕堂文

集

任之鏞安徽舒城人選拔貢生任如臯教諭學宮頽敝賴重修一新縣額增廣生二十名後缺一名不知始於何年鏞詳請復原額後以卓異陞竹山令

譚聖道江寧縣歲貢選臯司訓博洽多聞手不釋卷與諸生談經論藝不及其他每課士題必先構程式刊刻文稿盛行江南

趙俊華亭縣選拔貢生任如臯教諭持已貞介率士端方在任十餘年始終如一同寅紳士無不敬且愛焉

蔡雙桂字闇齋吳江縣人副榜莅臯諭勤於課士不問外事乾隆五十年災疫請粟常平倉就講堂賑給寒士割如臯縣志

卷十五 名宦

五

俸購田爲文士義塚

郭宗文浙江鄞縣人順治二年任典史時海寇圍城隨邑侯朱防守城獲保全五年隨陳公宿城防禦臯邑愈得安枕贊政歷有八年

李正銳順天大興人雍正八年典史任十四載邑人有李青天之譽北城外火災捐三萬錢拯被火窮民

薛維森河南孟縣人乾隆三十三年典史任潔已奉法不受請托夏月病藥餌無資以絺衣付質庫卒於任士民歛貲具棺衾備行資送之

盧廷桂字補堂直隸任邱人乾隆四十一年任石莊司巡檢四十五年圩民私開久禁雙水洞壩詳請查舊案獲

禁永閉邑人頌之五十三年奉譚令諭濬通張黃港淤塞一千四百三十丈

陳元魁錦山人順治元年以戰功授狼山左營署掘港守備勦妖道王耀等有大功

孟三澗順治初千總偕知縣朱邦政破土寇有功

王良駿崇明人乾隆四十一年任掘港營都司於署外堡內詳設藥局三間

黃振號海漁吳江籍崇明人乾隆四十九年任掘港營都司嘗語將弁曰兵以衛民不以法度約束何以見朝廷衛民之至意越一載歲旱米價騰踊有司嚴禁出境振日飭各營戍兵獲有運米出洋卽加超擢由是價平未幾陞福山營遊擊去之日軍民餞送攀轅擁號至不能行

如臯縣志

卷十五 名宦

三

